


泰山圖志

地1314
36.849
126



泰山圖志序

孝純重被

恩命來守泰安泰安古東魯地泰山在其封內詩所稱泰山巖魯邦所詹者也願惟庸虛謬典名郡實主七晝早夜兢兢思所以仰佐

聖天

子理明治幽事萬分之一幸賴

臺府諸大吏仁賢而僚屬六七君子之

序

交修而罔棄也政治人和晏以無事考圖數典乃喟然曰是其所以為泰山者與岱為嶽宗神曰青帝出乎震有長子之義焉地居東方大明生於東又下土之所照臨也出雲降雨既已仁體造化而其雄威又足以驅役萬靈奔走一世非第如四嶽之靜鎮一方而已天地定位山澤通氣此是何等氣象作者猥



地731.2
36844

欲以凡泥封函谷人知其僨矣蓋府縣
舊各有志語泰山事都不詳號專門者
則有明人查志隆岱史孔貞瑄泰山紀
事等書又率踳駁不中史法以故泰山
之面目終不顯夫揚榷古今使封內名
山不蝕簡蠹此真太守事也爰求亡書
聘名士同官協心分曹授簡悉力搜剔
蓋秉文者之研摩編削凡閱歲餘而始

序

二

歲厥事勒為一書命曰泰山圖志是役
也非敢遂擬諸紀泰山之牒與赤文綠
字相焜耀然以觀於上下四十餘里中
隱犇鬱律延屬施靡星之繁然井之劃
然雖於岱宗大體勢其一段起鴻濛混
希夷朝暉夕陰渾淪闔闔氣象仍是天
地元氣不許漏洩而其間翫縷根角累
疊如貫真可使萬物皆相見乎離詩魯

頌闕宮曰孔曼且碩萬民是若先之以
奚斯所作斯志之成豈徒以徼神貺惟
望秩之典隆於廟享而董正治官設以
方之奚斯竊亦未肯多讓抑孝純曩在
蜀嘗游峨眉矣峨眉高且倍泰山時當
冰橫雪暗獨拔千尋之地將倚尺五之
天頗自詡冠竒絕今志泰山彌復憬然
蓋峨眉之高逸而孤者也孤則絕物故
序

三

唯道場占焉泰山之高廓其有容者也
有容斯能養人嘻此泰山之大所以為
羣生託命而發揚昭明特邁諸嶽永時
亘古乃至

萬

乘降尊百僚脩列玉瓚黃流豐融盱蟹
蒼帝之精實蒼生之福也猗與盛哉

乾隆三十九年歲次甲午夏五月泰安

府知府東海朱孝純



漢栢魏圖

泰山圖志

漢栢六株



泰山圖志




一



泰山圖志



泰山圖志



四



泰山圖志
唐槐

五



泰山圖志

飛來栢



六


泰山圖

泰山圖志

泰山圖



泰山圖志
岱廟圖



泰山圖志
白鶴泉

廟皇

訖

岱坊



老君閣



泰山圖志

紅門圖



泰山圖志

石經峪



泰山圖志

壺天閣



高山流水亭

六



黃岫嶺

御書

御座

泰山圖志

五大夫松



七



泰山圖志
朝陽洞



泰山圖志
對松山



九




泰山圖志

南天門

獨秀峯

雁翎峯




泰山圖志

白雲洞



洞霖井

十一



望福石

門天南

翔鳳嶺

飛龍嶺

泰山圖志

碧霞祠



泰山圖志
後石塢



泰山圖志

投書澗




西



投書澗

元君廟

泰山圖志
明堂



明堂

御碑


三賢祠

五


泰山圖志
谷山寺




泰山圖志
桃花峪



泰山圖志
社首山



泰山圖志
徂徠前面總圖



泰山圖志
竹溪佳境



二

泰山圖志
太平頂石溜峪



太平頂



松泉河

泰山圖志

大庵三官殿

三五



泰山圖志

作書坊

觀音崗



泰山圖志
中軍山



泰山圖志

礫石峪



爐丹煉

石礫

五



將軍石

貴人峯



昇仙台

泰山圖志

光華寺



三

泰山圖志
大悲庵



羅漢峯




三七

泰山圖志

三嶺崗



三



泰山圖志

三嶺園



五洲
興

泰山圖志弁言

一崇體例志原於史史分內外志亦應別詳畧旣志泰山矣自宜於山水獨詳而它門從畧然秩祀特隆則典禮攸關載筆唯謹欽惟

本朝省方觀嶽制邁前古我

聖祖仁皇帝暨

今上皇帝時巡數舉敬禮兼至而

三朝宸翰光寵山靈金聲玉振萬世爲昭更高談七十二家之所

未有則是志之爲泰山繪畫真形全體已具在

文思睿藻之中小才掎摭豈能更出範圍此卷首恭列

天章非但尊王亦昭建極也若夫附

行宮於盛典冠盛典於歷朝以迄封禪之卷帙稍繁載筆時

泰山圖志

卷首

俱有微意語並詳小叙及按語下他如祠宇之不侈虛幻名蹟之不妄摛羅金石則僅存其名而多佚其文藝文且不免挂一而轉漏乎萬凡此皆所以崇體例也蓋志泰山則亦在山言山自不應事雜言龐乃至如志泰安府志泰安縣必欲周析無遺始見體製也至於建置星野物產祥異舊志諸色目竟與府縣志無別更是憤憤概不攔入惟恐評爲太簡者乃殿以雜綴一門庶厭觀者之目非本志也亦猶班范之稱外史云爾

一慎取裁司馬遷網羅放失舊聞厥有史記歐陽公大手筆獨推五代史謂其事增於舊文減於前然則青出藍藍乃謝青今猶古也是志之成原本查志隆岱史孔貞瑄泰山紀事顧炎武山東考古錄及近人岱宗志金石類籤泰

山道里記

三書皆未成

並府縣舊志諸書薈粹既久裒然成集

然考訂之下煞費苦心一言不的不敢強傳會也一處不真不敢輕沿襲也後生可畏來者難誣心殊嗷嗷山水一門尤極矜慎凡書所云謀及乃心謀及庶士曰東西者不敢以左右混也曰南北者亦必以東西別也其中曰其曰又曰爲曰有曰餘曰許云云一字都有斟酌必使讀者如面稽而不煩索解遊者可身歷而還以相徵至如一日某訛名某俗呼某之類更是喫緊與作古而使人議寧從俗而使人知也他若金石不載雙碑之文名蹟但詳兩先生之行藝文則更窺全豹以一班嘗一齮於九鼎語詳本門小叙吾故曰志泰山不應如志府縣矣此慎取裁之說也一戒掠美大輅始於椎輪層冰成於積水此以言乎踵事

泰山圖志

卷首

二

增華而變本者且加厲也志事經營於余來守泰安之明年癸巳春正月斷手於甲午夏五月其間搖毫擲簡俾余坐享成局者凡更兩作手一爲金陵嚴公長明一爲錢塘申公發祥蓋嚴方以憂解閣讀務滯留都下閱三月爲削此稿申則前四川廣元令余同官吟好今更延主泰山講席者也而邑人有聶鉸者窮且老獨好搽泰山掌故爬剔四十餘年著有泰山道里記中言岱故甚悉是志也嚴公多採其說而申公且招之以代孤竹之老馬則聶鉸其又兩公之椎輪積水歟又泰安藏書家少得故相國趙公訢載十牛腰來左右采獲自向鄴侯架上抽取牙籤不費一紙酒也俱宜牽連得書

一期惠好古人著書多在晚歲以文章老更成且才學識

必久經澄瀘而始永清見底石瘦到骨也又况研京十年
鍊都一紀彼但矜繁富者尙爾而欲使不朽之盛事近在
模山範水之中其能免詭疑符一噓乎茲志列門凡九分
卷十有五惟山水一門獨尙體要無卮詞無假語於此事
差爲不負其他究恐采掇未全研覈不的卽以圖志命名
亦取古左圖右書之義自土訓之法不傳而夾車之典久
缺徒假手于俗工而此地又無工畫者所刻諸圖畧見點
綴而已一圖之抱憾而敢遂自信全志之必傳而無疑也
耶通都大邑絕谷窮山慮不少矻矻嗜古之儒有出其選
學鴻文以來匡余之不逮者乎敢不重拜

泰山圖志纂修職名

纂修

泰安

府

知

府

朱孝純

分修

候補直隸州知州泰安縣知縣 李品鎬

新泰

縣

知

縣

胡叙寧

東阿

縣

知

縣

周世玉

肥城縣今調章邱縣知縣 穆 昃

平陰

縣

知

縣

饒鵬飛

泰山圖志校刊姓氏

同校

泰安府學生趙起魯

新泰縣拔貢生牛士範

原任高密縣教諭江緯

校對

原任四川酆都縣知縣夏侯錡

正紅旗漢軍學生朱孝達

謄錄

山陰縣考職監生蕭忻

邑人聶景先

督刊

泰山圖志

卷首

五

邑人姬衍莊

繪圖

邑人孟恒德

泰山圖志目錄

卷首

天章

卷一上

國朝盛典

附行宮座落

卷一下

歷朝祀典

卷二上

封禪

卷二下

封禪

卷三上

泰山圖志

卷首目錄

山水

卷三下

山水

附徂徠諸山

卷四上

祠宇

卷四下

祠宇

附壇壝

卷五上

金石

卷五下

金石

附碎刻

卷六

名蹟 附方外

卷七上

藝文

卷七下

藝文 附徂徠

卷八

雜綴

泰山圖志

卷首目錄

七

泰山圖志卷首

泰安府知府臣朱孝純恭錄

天章

聖祖仁皇帝御製

詩

東巡出都

閶闔來天風玉仗排雙鳳喬嶽聳高標巡方翠華動

登岱

巖巖岱嶽高無極攀陟遙登最上頭路轉天門青靄合峯回日觀
白雲浮振衣截嶽凌千仞騁目蒼茫辨九州欲與臣鄰崇實政金
泥玉檢不須留

百丈崖觀瀑

泰山圖志

卷首

懸崖千尺響奔湍磴道噌嶮動石瀾彷彿青天有風雨松陰漠漠
逼人寒

岱頂對月

夜宿喬嶽巔縹緲近雲闕孤高絕塵翳天外見明月不聞城市喧
惟聽空籟發開軒肆遐覽萬象爭突兀對此心悠然清夢自超越

汶水吟

汶水潺潺清似玉石澗縈紆行躑躅連山百里入萊蕪松柏緜蒙
冬尚綠

經泰山之麓

曩于甲子冬日登泰山之巔覽秦漢以來故蹟俯眺寰區
憑臨滄海今茲南巡復稅駕山麓因望岱宗而展禮焉

聳巘高峯記昔攀春回瀑水響潺潺萬層石級雲霄上千里烟村

縹緲間暫駐猶然思往事憑陵直欲小人寰朱旗翠葆踈林外已見巍巍俯衆山

夜登泰山

日斜登泰岱嶺腹隔層霄深夜廻鑿處便忘石磴遙

望岱憶舊

青天竦峙翠雲濃端坐船頭眺岱宗憶上崇隆最高頂非探芝檢效東封

支

泰山龍脈論

古今論九州山脈但言華山爲虎泰山爲龍地理家亦僅云泰山特起東方張左右翼爲障總未根究泰山之龍於何處發脈朕細考形勢深究地絡遣人航海測量知泰山實發龍於長白山也長

泰山圖志

卷首

二

白縣亘鳥喇之南山之四圍百泉奔注爲松花鴨綠土門三大江之源其南麓分爲二幹一幹西南指者東至鴨綠西至通加大抵高麗諸山皆其支裔也其一幹自西而北至納祿窩集復分二支北支至盛京爲天柱隆業山折而西爲醫巫閭山西支入興京門爲開運山蜿蜒而南磅礴起頓巒嶺重叠至金州旅順口之鐵山而龍脊時伏時現海中皇成鼉磯諸島皆其發露處也接而爲山東登州之福山丹崖山海中伏龍於是乎陸起西南行八百餘里結而爲泰山穹崇盤屈爲五嶽首此論雖古人所未及而形理有確然可據者或以界海爲疑夫山勢聯屬而喻之曰龍以其形氣無不到也班固曰形與氣爲首尾今風水家有過峽有界水渤海者泰山之大過峽爾宋魏校地理說曰傳乎江放乎海則長白山之龍放海而爲泰山也固宜且以泰山體位證之而西南而背東

北若云自函谷而盡泰山豈有龍從西來而面反西向乎是又理之明白易曉者也

南巡筆記

康熙甲子春日有以時值上元請行封禪及巡狩燔柴諸典禮者夫朕涼德菲躬臨御海寓邇年以來水旱兵戈民亦勞止雖邀天庇佑四海蕩平萬姓樂業實未有豐功偉烈足以昭示來茲何敢效法前人銘功紀德至于巡狩古天子所以周省侯國使諸侯肆覲明堂考其政績今天下之權統一於內督撫之賢不肖朕皆得而知之又無事於巡狩之名也惟是近畿郡邑屢經巡幸補助時施而東南黎民風俗尙未周知乃於秋九月陳請

兩宮暫違定省二十八日出京師經河間過德州閱濟南城觀趵突泉題曰激湍百姓遮拜馬首戶口繁盛比屋可封昔稱臨淄之間肩

泰山圖志

卷首

三

相摩轂相擊者今尙有遺風焉十一日至泰山石徑峻嶒緩步登陟四十里御幃崖瀑水懸流五大夫枯松猶在巖畔或亦後人繼植者入南天門捫秦時無字碑至孔子小天下處真可收羅宇宙暢豁襟懷題普照乾坤雲峯諸字宿泰山巔月色清朗賦詩遣興來日登日觀峯看扶桑日出下山祀於嶽廟嶽爲五方之長發生萬物故躬祀之爲蒼生祈福十三日雨雪駐蒙陰縣侍臣云明日小雪喜其應候詰朝雪霽望蒙山峯頂半入雲霧或隱或現其上石衣土人攀縋取之名蒙山頂上茶嘗考四川雅州有蒙山五峯極高峻上產甘露茶世所傳者或雅州之蒙山也渡沂水取魚既多且鮮因遣使馳進

兩宮以志思戀之懷蒨花鋪青淮之界居人輻輳十八日發宿遷縣閱黃河北堤岸一百八十里頻年水患工役浩繁民俗罷敝不若山

左之庶饒渡河過清浦淮安府商賈往來舟楫如織寶應縣高郵州邵伯鎮皆以湖水泛濫未復故道居人草屋臨流牀竈半在水中朕甚憫焉登岸步行十餘里親察水勢召集耆老秀才細訪其故皆云自海口壅塞水無所歸二十年來田畝已成巨浸賦詩紀事思所以拯濟之二十三日抵維揚市肆繁華園亭相望遊平山堂天寧寺百姓持香夾道意甚誠敬平山堂乃宋臣歐陽脩所建脩以文學侍從之臣出知揚州爲政之暇優游談讌傳爲佳話故朕詩有文章太守心偏憶之句二十四日將由儀真幸江寧府忽遇順風可以速達京口遂乘沙船順流而下波恬浪靜瞬息七十里沙船江中戰艦也自岳州長沙用兵以來多得其力今河海清晏當時戰具僅供渡江之用然安不忘危朕於此時未嘗不念艱難用武之際次早登金山孤巒隱岫屹峙大江中飛閣流丹金碧

泰山圖志

卷首

四

照灼更有一峯離立曰善才石郭璞墓在其西上有妙高臺雷雲亭朝陽洞下有中冷水稱天下第一泉朕率扈從諸臣一一探眺縱目千里題江天一覽四字并賦二詩竹林禪院在鎮江府城南五里曲徑逶迤茂林修竹高者四五丈大者圍尺青葉碧枝陰森崖谷實北地之所未有晚而登舟揚帆丹陽縣常州府無錫縣俱未及泊一晝夜行三百六十餘里達姑蘇舟人云從無如此之速者二十七日由楓橋入閶門登城閱視士民觀瞻莫不忭舞有獻賦頌者是日駐蹕城中念執事人役辛勤遠來徧賞白金聽其各帶方物以示體恤二十八日回鑾過虎邱山不甚高亭榭闌檻布滿其上千人石高下可容千人傳爲生公講經處故旁有點頭石劔池在夾崖中殊可觀平遠堂俯瞰虎邱之背田疇林木望若錯錦蘇民仍列酒坊茶肆各安生業管絃競奏覺有昇平景象然從

事紛奢罔知務本未若東北風俗之樸實耳夜坐舟中與侍臣高士竒談論古今興廢之跡或讀尚書左傳及先秦兩漢文數篇或談周易或賦一詩每至漏下三十刻不倦日以爲常蓋詩書意味深長不似耳目之好易於煩厭也舟過無錫縣遊錫山觀惠泉石甃八角池水色滄泓味較玉泉遠不相及不知前人何以稱之爲第二泉二十九日由丹陽縣陸行初一日過句容縣蜿蜒石堤數十里抵江寧府雨花臺在城南登之則江山城郭歷歷可見報恩寺規制宏壯寶塔九級金碧琉璃盡鏤梵相結構之巧殆竭人工非前代內帑所修不能至此城中闐闐充實烟火萬家景物太平昔稱六朝佳麗今亦不減大都也明日祭明洪武陵見其頽廢勅地方官禁護之過明故宫僅存遺址不禁慨然作過金陵論并賦一詩登觀星臺望後湖題曠觀二字又明日再遣使進

泰山圖志

卷首

五

兩宮

方物閱鎮將射於教場頒賜扈從諸臣幣帛督撫御衣初四日發

江寧府泊燕子磯峭壁臨江亦有勝致初十日閱高家堰堤工望洪澤湖汪洋千頃復由河南岸行一百八十里過桃源縣十一日渡河至宿遷次日駐蹕蒞花舖自邳沂州取道東甕渡沂濟祊汶泗諸水泗水出陪尾山下泉林寺側石穴吐水衆泉俱導古樹成林有石碑刻子在川上處然闕里志載孔子觀川亭在尼山宣聖廟側未知孰是十六日長至節天氣晴暖無朔風祁寒扈從諸人莫不欣喜十七日過少昊陵顏子林駐蹕曲阜縣南十八日黎明祀於闕里齋心穆穆若有所見禮畢坐詩禮堂命孔氏子孫講周易大學徧觀車服禮器及漢唐碑版檜樹在大成門內古幹蒼然苔蘚潤澤真靈蹟也敬想至聖道冠百王前代留金銀器具皆人力可辦獨以仗前曲柄龍蓋留廟中並書萬世師表四字過闕里

詩古檜賦出北門醜酒孔子墓下伯魚墓在孔子墓東十餘步子思墓在其前西有子貢廬墓之所左有宋真宗駐蹕亭林中奇樹葱鬱未可計數行三十里駐蹕兗州府杜甫所謂浮雲連海岱平野入青徐是也念周公制禮作樂道接文武頃過曲阜未得躬謁廟庭特製祭文遣親藩代祀之遂由汶上東阿高唐至德州亟欲定省

兩宮兼程而歸是行也往返數旬所歷山東江南諸郡縣日以周諮民隱體察吏治爲首務行道之頃復得覽其山川憑弔古蹟至於地方利弊則將有以斟酌損益焉率筆記之示朕之不徒事遊豫也

世宗憲皇帝御製

詩

望岱

泰山圖志

卷首

六

芙蓉萬仞插丹梯海上羣峯莫與齊九點青煙看野馬五更紅日候天雞雲封峭壁松多古蘚積殘碑字未迷冉冉嶺頭笙鶴下仙壇曾此降金泥

題碧霞祠寶旛步虛詞二首

寶閣冰簾紫靄籠仙風曷曷拂旛紅扇開日月飛雙鳳座繞星辰列九宮子視羣蒙敷惠澤母臨率土荷幘幪敬將玉帛當庭獻願普慈光遍域中

瓊宇璇宮日月長奇花瑤草總飄香琉璃作殿蒼龍衛雲霧裁帷青鳥翔拂露霓旌珠燦爛御風鸞駕玉鏗鏘常將天福人間錫獎孝褒忠佑萬方

皇上御製

詩

題李白泰山觀日圖限韻

供奉沉香亭遣調若鐘銑意在諷色荒不獨詞華擅五嶽峙胃中
魄礪難消遣長嘯登泰山日觀峯當面東望滄溟洲坳堂杯水轉
陽烏浴未乾魚龍乘曼衍扶桑已三竿猶不聞雞犬遐觀小宇宙
形勢天下選咫尺大羅天天帝端袞冕叩闈謁通明從容陪玉輦
醉踏青芙蓉豈以佯狂免騎龍恣天遊白雲共舒展帝女賜錦裳
聞說冰蠶繭長鯨不復回竒傳類詭辨何人寫丹青壁上曷香篆
披時秦嶽雄收處滄波卷卽此當臥遊悠然興不淺

見嶽麓

朝曦駐扶桑天際微茫分東來紫翠光隱隱瀚飛雲知是岱嶽麓
初見意已欣杜甫有佳句果然符所云指日陟其頂一破蒼穹霧

渡汶河

泰山圖志

卷首

七

清笏春波浴翠鳧遙源縈繆接萊蕪風光一帶分齊魯支派千流
滙港湖蹕路乍看橫帶蜷舟鮫曾未守萑蒲行來文獻邦知近戶
有絃歌學有儒

汶水吟恭依

皇祖原韻

肆觀東后修五玉

神堯家法貽軌躅魯疆初歷俯汶川春烟淡蕩波搖綠

望岱宗

百里齊南路巍然望岱宗乾坤惟一大造物不雙鍾特地扶搖上
倚天紫翠重剝施多已見氣象未前逢變化真難測形容杳莫從
早看膚寸合希澤有孚顒

渡汶水

過汶詣闕里事畢渡汶廻因流溯其源縈帶何悠哉鄆謹龜陰田
每每河之隈曾聞潤百里胡乃騰塵埃麥隴雖青青望澤久縈懷
調幕慙無術發粟詎遍該嗟哉此土民疾苦經識來

漢明堂遺址

制自周人創名傳漢帝都尊卑因以序玉帛此來趨遺址規猶壯
崇臺草半蕪徒聞公玉帶道左獻新圖

望徂徠山

徂徠亦云巍千秋鎮齊魯北望比岱宗拳石如培塿叶馬上看山
色雲生山四字松年想何若畫意乃爾許六逸懷竹溪高風迷處
所

戲題投書澗

宋胡瑗講學泰山十年不歸見家問有平安字卽投之澗

泰山圖志

卷首

中不復展讀故名投書澗云

報來尺素見平安投澗傳稱人所難誠使此心無繫戀平安兩字
不須看

祀岱廟

釋奠廻鑾禮

岱宗繩

先不爲事登封地靈自是神憑宇廟古還看黛蔚松階下崎崟臨

介石

俗名扶桑石

殿中肅穆仰蒼容已躬那更求多福祈歲心殷惠我

農

祀視三公舊典行配天生物鎮蒼精崇朝所冀雲蒸雨大德應符
震出亨寢殿端居帝偕后仙壇配享弟隨兄泰山林放如相擬久
矣禋宗不易明恭勒峻極殿前東碑亭

環詠亭

仙宮西側創雲軒春晝陰籠花木繁訪道不須期碧海忘言真可
駐高奔幽偏事業三間足今古風華四面存四面刻詩今登岱諸
作於壁故名環詠亭
硯淨甌香閒點筆豈爭工拙壁間論恭勒亭
東壁

漢柏

殿角陰森翠影擎濛濛常自護雲霞子房學得赤松術風度而今
見漢家

唐槐

兔目當年李氏槐枿槎老榦倚春階何當綠葉生齊日高枕羲皇
夢亦佳

合雲亭

一天門裏步天階

泰山圖志

卷首

九

聖蹟依然此勒崖記取岱宗初入路盪胷雲已淨塵懷

小閣三間梵宇西偶來臨眺足拈題白雲掩藹亭邊合應似桃花
洞口迷

壺天閣

策馬上丹梯據牀憇紫閣既狹乃開豁俯暢臨碧落山靈知我來
為我舉雲幕壺天蘊萬象攬結難依著嶽麓未及半得未曾有樂
極頂縱吟眸興會當何若恭勒閣東
北石崖

迴馬嶺

曠曠日照紫芙蓉石磴盤紆路轉徐傳是真宗迴馬處當年來為
奠天書恭勒嶺
東石崖

五大夫松

何人補署大夫名五老鬚眉宛笑迎卽此今兮卽此昔抑為辱也

抑爲榮盤盤欲學蒼龍舞謾謾時聞清籟聲記取一枝偏稱意他
年爲掛月輪明恭勒五松
西北石崖

朝陽洞

迴巒抱深凹曦光每獨受所以朝陽名名山率常有是處闢雲關
坦區得數畝結構寄幽偏瀟灑開窓牖歷險欣就夷稍憩復進走
卽景悟爲學無窮戒株守恭勒洞東
北懸崖

對松山

岱嶽最佳處對松真絕竒古心誰得貌變態不容思萬嶂惟全碧
四時無改枝依稀佳羨輩倚樹斲靈芝恭勒山之
東石壁

白雲洞

封裏出英英長空幾縷橫所希膚寸合利我萬民耕

登封臺

泰山圖志

卷首

十

軒轅遠矣不可知七十二代皆一律金泥玉檢敬用陳錦綉石函
封以密我來岱頂探遐蹤凝眸聊寄凌雲筆亦非謙牧圖終吉兩
言定論由中出便使堯舜至今存迄無可告成功日恭勒飛
龍巖

恭頌

皇祖勒崖雲峯二大字

驪珠雙顆勒雲峯占斷巖巖萬景重不似摩崖許字開元惟用

詡東封

恭勒雲
峯西壁

恭依

皇祖登岱詩韻

丹梯紆陟穿雲脚翠觀平臨待日頭地迴頓教塵慮淨瞰空惟覺
幻身浮果然萬古宗天下詎獨千秋鎮兗州大慰平生景仰志可
無警句半巖留

天齊纔讓天居上進步竿尋百尺頭衆皺峯如能變化太空雲與
作沉浮豈緣乘興凌千仞敬識憑高御九州繼述何能覆敢不乾
坤亭裏久延留乾坤亭在岱頂以奉皇祖 恭勒碧霞祠
御書普照乾坤四大字處也 東碑亭碑陰

夜宿岱頂

攀躋凌嶽頂僕役亦已勞行宮恰數字舊築山之坳迴與天為鄰
滃然雲作巢依欄俯岱松憑窓盼齊郊于焉此休息意外得所遭
恭誦對月詩皇祖有徘徊惜清宵

傍晚雲霧收近霄星斗朗仙籟下笙竽天花入帷幌神心相妙達
古今一俯仰始遇有宿緣初地愜真賞清夢不可得求仙果癡想

恭勒雲
峯下

雲巢

岱頂有行宮數字偶為夜宿詩云滃然雲作巢輒以名之

泰山圖志 卷首

十一

雲以山為體山以雲為衣始悟雲山境元氣相因依言二固不可
云一亦何為結字貯雲采開窓納山姿踞榻靈根動舉幔有滄萋
下雲為我輿上雲為我帷題壁帶雲書雲兮初不知

日觀峯

天柱既孤高日觀乃並峻崢嶸成左障律萃凌千仞破曉登丹梯
塵衣一為振臥牛車蓋狀傳言殊未信海水詎湧金朝雲剛染暈
無煩夸父追却憶童子問寄興在寥濶摘詞亦騰奮恭勒日
觀峯

奉

皇太后登岱麓

十八盤前候

大安天門雙闕倚欄干

萬年王母會仙母此日和鸞接彩鸞雲看吐吞成幄幔

輦教扶掖度巔岬南山獻壽無須比

寶算崇齊秦嶽端恭勒南天門東崖石

別嶽

登嶽快晴明別嶽遇風雨此事亦偶然何足陳諛語况茲遍郊麥
青青二寸許待澤正斯時渴望愁農父狂風慣吹雲細雨未霑土
彭怒不肯讓如膏亦奚補連年水旱灾偏萃於齊魯縱發帑粟施
豈救流離苦哀哉斃獨民慙為汝父母叶

過泰山恭依

皇祖詩韻

纔看積雪消峯脚又覺輕雲翳日頭豈是山靈邀客住故教嵐氣
作煙浮賡吟尚憶

堯登頂結攬遐思禹畫州阿那天門門左側雲巢三日我曾留雲巢岱頂行宮

泰山圖志

卷首

三

名

仄路盤旋出塞口岱宗俯視衆峯頭試思前度遊如在了識百年
夢亦浮稍喜省方近吳會豈辭問路自齊州若云此地山川景只
合驅車不合留恭勒岱頂碧霞祠門左雍正九年碑陰

望岱廟

自有蒼精協震亨崇祠象設始誰成靈趨漢縣羣黎赤事紀茅家
三弟兄香和岱雲千仞合鐘傳汶水十分清憑輿竭爾馳遙睠鱗
繡郊原漸可耕

寄題漢柏

瑤階漢柏盤童童柏下吟情想像中不及同時嵩嶽樹受名曾共
穎川馮

渡汶水

汶水虹橋凍合津
紐芽宿麥遲抽新
心期鄧尉村前景
背指天孫雲外皴
往事總堪愁渺渺
無生底必滯塵塵
未忘只有勤民念
餘概空花付夙因

謁岱廟

岱宗遙望謝重登
岱廟森嚴玉陛升
祇有豐年祈帝貺
愧無明德答神憑
唐槐漢柏形容古
時景民風氣象增
迅矣三年成瞬息
向來欣戚總難勝

恭勒岱廟東碑亭碑陰

過泰山作歌

土父澤母山之根
成形類聚精義存
文王後天列八卦
艮兌交錯西南坤
西南衆山祖脉惟
崑崙其在艮維山
本體是爲長白齊
蒼旻轉折踰海伏
而起岱宗雄長其
實尾閭拳石崇中
原五嶽五鎮各覽
二

東嶽泰山中嶽嵩山北嶽醫巫閭南嶽會稽

崑崙長白姑遙跂以予所登興安

泰山圖志

卷首

三

大嶺巴龍桑蘇台廣博崇隆列之嶽鎮有過之而無不逮吁何其名曾不得與嶽鎮廁豈非古來版圖以外未得通文字儒生各拘所見高位置山旣若此餘胡獨不然蒼頡作字天雨粟鬼夜哭其理信有豈是荒唐傳

渡汶河

湛湛復沄沄長虹亘兩瀆山川千里互齊魯一渠分濟運常資是成盟舊所聞道元稱博覽已見數名紛源出仙臺嶺依稀石汶真春寒勒萑葦雨過漲連淪公玉漢奇士白英明老人徐行撫澄晏惟是厯觀民

過泰山再依

皇祖詩韻

方山一宿停清蹕
泰岱巖巖見舉頭
南指遙程春曉發
東來紫氣

馬前浮

聖踪永古並崇嶽

愷澤於今在九州縱是瞠乎嗟莫及

覲揚敢不意深留

靈巖石路盤山脚齊甸春光動陌頭案衍遙從西峪度龍從不礙

曉烟浮瓣香寸意馳仙闕輿地千年鎮兗州憂樂向來何處著思

量結習豈應留恭勒碧霞祠門西
雍正十三年碑陰

望岱廟寄題

泉林取路向西移敬仰崇祠一念馳作鎮配

天首五嶽廟中書匾曰配天作鎮居方出震佑嘉師唐槐漢柏應依舊

秋月春風又幾時香帛太常依例遣車駕經山東境禮官奏遣大臣賚香帛告祭岱宗修故事

也祈年惟是禱無私

泰山圖志

卷首

十四

渡汶河

三汶茲為大千秋帶魯郊原山溯源出濟水匯流交凍解遲蒲刺

波清下鷺孤方春生養候未擬網罟拋

謁岱廟六韻

春巡限定程望嶽寄遙情用趁迴塗便一申肅拜誠震方惟

帝出寅德肇人生仰載無私禱祈年有屏營英雲籠寶殿佳氣護

會城退憇尋環詠環詠亭在廟西側四壁刻歷代遊人詩詩裁不易平

登泰山作

合雲亭度棧縈紆旬歲重教履巘途昔日今時渾不隔登封降禪

總無須儻來憂樂亦多矣試問山川畧異乎昂首天門三萬尺到

因步步積工夫

壺天閣

迴閣昔經坐今來無復登攀躋緣夫暇攬結識吾曾碧水自深澗
白雲指上層勒崖多舊句歷歷可明徵

迴馬嶺

昔人迴馬地進馬跋巖局夫子有明訓功毋一簣停

朝陽洞

當年題句處灑掃備延停雲棧有翹白岱峯未改青不教鎮留憇
緣是舊曾經率以勞為逸天門即叩扃

十八盤

猶記昔登十八盤坦途高架丈餘寬曾因過費飭方伯率為趨平
奉

大安

戊辰恭奉 皇太后安輿登岱有司架木為棧 今度揮鞭吟馬
道險峻皆成坦途茲來朕策馬以登不令架木
上不教傲棧闢雲端石梯拾級千層迴却喜巽峯本色看

泰山圖志

卷首

五

登泰山三依

皇祖詩韻

春日南巡程限迫題詩興寄碧峯頭設如兩度皆空過辛未及
今丁丑終
覺一心太率浮謁

聖纜辭曲阜縣登山遂至泰安州乾坤普照

天襟廓景仰

奎章萬古留

瞬息十春巖電影年來憂樂憶從頭誰能石上三生認且看煙中
九點浮幻矣仙踪謝蓬海憫哉民瘼指徐州雲巢若問前巡事代
頂

行宮名戊辰三月 孝 賢皇后得病實於此 淚灑空庭不忍留

望岱廟

岱嶽崇隆百里瞻答陽岱廟血精巋禮官肅祀儀雖備巡蹕將經
岱宗首途

遣官告祭如禮

恭已忻翹敬倍添居震德宏六子率配

天澤厚萬方霑心馳未覺雲山隔敢曰誠通冀福謙

過泰山四依

皇祖詩韻

靈巖謂是高無比更有高峯在上頭瞻魯象曾詩裏想青齊色忽
路前浮禪封玉帛秦兮漢襟帶耕桑郡復州保泰惟斯躬所勉况
榮若彼志母留

兩度天門親拾級義碑捧讀憶從頭戊辰年是那堪道丁丑春巡
過似浮不改旰宵勤庶政惟期樂利永齊州省方繼

武一心切詎是無端七字留

望徂徠作

徂徠松早似牛山孟子名言絜矩間只有竹溪傳六逸不妨傲士

泰山圖志

卷首

六

此高閒

過汶河

靈源遠溯出萊蕪行地橫陳齊魯都是日輕輿復經過春風野
自清殊昔今不異觀民切來往寧因問景紆分水北南胥濟運古
人相土有良模

謁岱廟

時巡指江國致祀遣春官茲取迴程近親瞻祭席單大生功配
帝如在貌臨壇肅拜無私禱抒誠心始安

戲題環詠亭

廟旁精舍小逡巡瞬息流陰十四春
自戊辰題句至今閱十四年矣環壁茗華泐
羣詠幾成五色目迷人
相閱數首無一佳者

題漢柏

岱廟東院漢柏六株森鬱庭宇信數千年神物其西北隅
一株尤爲輪囷奇古壬午初夏南巡廻蹕經此默識其狀
以歸璣廬清暇點筆成圖並系短句

遙望高山結昆仲

嵩陽書院漢柏昔曾爲圖

近臨西院是雲仍

廟西院有唐槐大椿歲

月猶虛擬萬古堦垣永瑞凝

登泰山作

欲笑相如逢漢武更非張說諛唐明却因瞻彼巖巖象便以暢茲
坦坦情或馬或輿遵棧路宜詩宜畫入仙京齊州九點烟中辨益
切憂懷保泰平

登泰山五依

皇祖詩韻

春巡南國孤紆蹕按轡高山仰馬頭可匹何曾吳嶺見旣成乃復

泰山圖志

卷首

七

大江浮便教一問峯兮谷未許多勞郡與州清曉載登午言降那

因勝處恣耽畱

五嶽之中宗首出誰能昆脚與皆頭神傳杜句真稱獨象擬韓文

信不浮結攬

聖情昭泰麓照臨民隱遍齊州繼繩今日伊余責敢不聰聽一意畱

望岱廟有作

翁河喬嶽例馳香告祀涓辰遣太常詎止一時修故典都緣萬姓

籲明慶配

天作鎮欽

神德

廟中書匾日配天作鎮

皇祖御與地無疆祝

懿祥漢柏輪囷嘉蔭下春風曾憶小徜徉

過泰山六依

皇祖詩韻

祇合登山小天下誰能昆脚與皆頭已看嶽嶽雲霞俯未了青青
齊魯浮嶺別陰陽分作郡星明角几照為州逮今五度賡

元韻為有峯巔

聖蹟留

大嶺隆崇自叅漢衆峯拱揖若駢頭春朝又覩神霄轟佳氣忽來
馬首浮憶昔

豫遊臻上界至今樂利遍東州千秋欲問登臨者幾箇能如杜句留

過汶河

冰解中流細春初兩岸高原山派亘野濟水會資漕麗日虹翻影
輕風縠不濤黔黎迎蹕路情更切前遭

謁岱廟六韻

泰山圖志

卷首

六

億禩

神庥永百年廟貌新佐

天生萬物護國福烝民慶落卜良日展誠恰仲春扶桑石突兀炎

漢柏輪囷肅拜經九載

慈寧值八旬抒忱願有籲

介壽願重申

恭勒峻極殿
前東碑側

題漢柏

漢柏曾經手白圖鬱蔥映照翠陰扶殿旁亭裏相望近名實賓主
誰是乎

恭勒壬午漢
柏圖詩碑陰

環詠亭

小屋三間嶽殿西亭歟非也昔難稽古今歲月一時閱長短詩篇
四壁題磬折予心孰李杜翹瞻漢柏是夷齊忘言更復言奚必欲

笑莊周筌與蹄

恭勒亭中

登泰山七依

皇祖詩韻

豫遊本擬富斂跡輪奐新歌重叩頭

志養亦惟體虔敬躬巡豈是動輕浮願言

遐算如高嶽詎曰登封俯下州萬級天門攀不易行宮清潔足

安留

巖象崇崇忽對面

奎文朗朗正當頭齊煙九點遙胥括匹練三吳近若浮錫羨八旬開

寶表耀靈萬古鎮神州再來此後知何日欲去不期步為留

恭勒碧霞祠門外東

碑側

壺天閣

泰山圖志

卷首

九

仰觀極頂尙隆崇俯視居然造半空放眼碧天以外看孰非遊此

一壺中

摩崖在閣東北石上

廻馬嶺

崇椒越上越欽寄傳是真宗廻馬斯若論天書來致奠到斯廻馬

已為遲

恭勒嶺東石崖

飛來石

無翼飛來自何處凌空欲墜倚峻嶒詩書齊魯斯為鎮梵志借譽

似不應

恭勒飛來石西南大石上

詠五大夫松

五松列峙泰山道祖龍經錫大夫號後世因以稱秦松其實羸秦

時已老疾風暴雨何時無何時鬱苑何時枯曩日司工人補植茲

看磊砢龍鱗粗異哉名實誰賓主實以名存今卽古何不謂之舜

五臣肆觀於斯同律度恭勒松西北大石上

朝陽洞

窮劣於茲得畝平崖坳牝洞受曦明三間精舍頗清潔稍憩旋教

進步行磨勒洞東石壁丁丑詩北

對松山

古榦今枝鬱相扶正看側眄總堪圖箇中儘有羲皇種當得兒孫

五大夫恭勒對松山東石壁

十八盤

雲衢盤陟造天門果是巖巖氣象尊逮此崇臺仰三度登封降禪

未曾言恭勒十八盤東石壁

日觀峯

居高攬遠理無疑峯頂當先見曉曦設使海邊立沮洳雖早應更

泰山圖志 卷首

早於斯恭勒日觀峯碑陰

詠無字碑

本意欲焚書立碑故無字雖云以身先大是不經事恭勒碑東南大石上

白雲洞

氤氳觸石氣成蒸此意當知別有應一片常教封洞口金泥玉檢

未容登恭勒洞東石壁

丈人峯

仙人對博寄幽託豈實凌虛上玉京立字是誰稱博古居然移置

蜀山名恭勒峯南面

蓮花洞

乳竇溶溶迸石泉細淙洞口注成川謾言未是蓮花候四面峯形

豈不然恭勒洞上

漢明堂

廢蹟遺蹤辨有無誰云公玉帶曾圖設非麟趾關睢意便建明堂
費亦徒勒碑漢明堂故址

桃花峪

春到桃花無處無峪名蓋學武陵乎五株不見蒼松老半點何曾

受污塗磨崖桃花峪石壁

登泰山卽事言志八韻

岱廟及岱頂萬年鎮竟青生方惟物育佑國沛

神靈歷久需修葺落成薦潔馨仲春迺巡狩八表以

慈寧那舉升中禮緣因祝

大齡奉欽瞻寶殿弗敢掖

安駢詰旦親登陟攄誠謁開庭降原廻望處天近老人星

泰山圖志 卷首

三

賦得泰山不讓土壤得容字八韻

分野奎婁次降祥齊魯封三公崇視秩五嶽卓爲宗徒仰巖巖象
誰知蕩蕩容廓哉德乃大受也衆胥供聚壤斯成鉅接天孰並蹤
有臣如一介據地壓千峯杜句吟真獨李書譬豈庸何當膚寸合
時雨利吾農

白鶴泉行館卽事成什

出谷緣山蹕路延花村柳墅望相連觀民緩邁青郊道行館新成
白鶴泉祇以娛

慈用允爾設云適已實慚焉八句

聖母扶瞻嶽更祝如斯億萬年

體元堂

五嶽岱宗尊東方生物原虞巡秩仲月魯頌壽

堂萱是日臨行館體元額樸軒祝

釐申篤悃施惠沛殊恩展義無非是餘閒有咏言長人法乾德卽境

勉心存

擬子建飛龍篇

巍巍泰山兗州鎮崇匪惟兗州五嶽是宗靈氣所宅生物所始些
望肇禮宜必自此陳思芝童太白鶴仙胥別意託我何有焉七十
二君登封降禪惜乎巖石磨泐以徧至哉重華二月東巡五禮五
器無非爲民

岱嶽觀日

掖 輦紀 慶頌之四章

粵戊辰春駕言東巡既仰杏壇遂躋岱宗叶匪慕漢唐用事封禪

以祝

洪釐介祉錫羨暎彼扶桑升於東冥芝童綠髮玉女雲輶

泰山圖志

卷首

三

慈恩載普覃齊浹魯戴我

文母式歌且舞

文

重建泰山神廟碑文

乾隆六年

國家秩祀之典方望實惟最重而泰山爲五嶽宗長功用顯彰爲
德尤盛廟貌之在山巔者歷有年所賈乎邈矣鬱攸不戒宜用鼎
新粵以乾隆六年特遣專官董建靈宇殿庭廊廡門序觀闕崇閣
壯麗烏斯革輦斯飛眈眈翼翼琉璃丹碧輝映日星黼座璇題像
設神御穆然其容范金惟肖山半爲香亭寶鼎中峙覆以重簷載
防斯憩興仰止焉鳩役庀材胥出內帑公旬不勞經費不損凡土
木之工若干閱期有六旬而竣朕惟岱爲方岳昉於虞書列於禹
貢紀於周官詳於春秋傳蓋河沛淮海川瀆環滙扶輿積高之氣

磅礴蘊結靈淑鐘萃蔚為神臯奠坤維而翊天緯方位屬震盛德在木得造化生生之元故觸石出雲不崇朝而遍雨天下功至神也澤至溥也我

列祖撫一海寓懷保丞黎一體天地大生廣生之心為神人主明德馨香

神庥昭格予一人寅承基緒夙夜兢兢事神保民罔不祇肅彼登封告成刻石紀號金泥玉檢往牒所誇矯誣侈大之事繁寡昧所不敢知而又寧方夏阜殖羣生俾庶而富俾壽而臧尙其惠邀嘉貺錫羨介祉以篤我國家無疆之慶則所以崇禮展敬揭虔妥靈其何敢後焉爰勒詞琬琰昭示永永系以銘曰巖巖泰山駿極於天有虞肆觀肇祀用虔牲幣祝號秩視三公匪僭匪瀆日以報功伊

泰山圖志

卷首

三

神之功霖雨萬國載生載殖食我

神力春也其時仁也其德體乾之元以立坤極奕奕新廟穹峙層霄易陶以金以禦剛飈雲生桂棟雨挾松濤俯瞰樽桑日觀岩巖雕甍珠網鋪金城玉紫殿靚深黼袞端穆月馭星駟林霏馥郁靈貺孔時錫茲介福降神毓秀賢哲克生時暘時雨百穀以成陋彼陟封七十二代成民致神往訓是佩胼胝斯通鑿格斯在祇薦神禮於萬千載

恭勒岱頂碧霞祠東碑亭

重修碧霞元君廟碑記

乾隆三十五年

緣岱麓磴梯而上險盤道者五十然後徂天門捫日觀岩岩孳孳緯星列檻垂芒若引手可摘其地正應積高神明之奧有廟焉范金塗籒晃艷慶霄稽水經注所載嶽頂上廟茲其故址矣而神禕翟珈笄孔睟孔愉耆鮐婦豎擎薌捧其厥角徠輳相與喁喁請命

則曰碧霞元君說者以謂黃帝所遣玉女或以謂是卽泰山神女
往往瓜背不合覈之志乘元君封號肇自有宋大中祥符間真宗
有事東封以上頂有玉女池乃易池旁石象爲玉龕而祭之顧攷
劉禹錫送張鍊師還東嶽詩有久事元君住翠微之句是唐已前
故有元君之名不自宋始彼道藏及諸家所徵姓氏世系庸足深
辯哉古者治神人和上下設教不爲異俗求其指歸亦曰禮由義
起實以名章而已爾易曰乾天也故稱乎父坤地也故稱乎母漢
郊祀歌於后土夫人曰富媪又曰媪神張晏云媪者老母之稱坤
爲地故名媪記言地乘陰竅於山川而泰山者萬物之始陰陽之
交衆嶽之宗以是證之太乙青元實惟其所宜乎有生之屬齋心
祇祓願揭其虔於元君而元君亦將恣其勤而錫之羨然則國家
秩祀泰山之神與億兆人奔走奉事碧霞元君之神其爲翼緯元

泰山圖志

卷首

三

化二乎一乎在周官大宗伯有各因其方之語在魯論有祭神如
在之文如在云者詎惟是胼蠻荒忽不可端倪於山僅見若堂若
霍於草木僅見維天維喬之謂乎亦將因其聲容得其精爽而後
著之目而成之心神人之道可接也且嶽視三公特自其秩言之
今之肖象炳靈者則旣蔽旒秉圭矣又女知皎皎穆穆其對越乎
禕翟珈笄者不誠二而一乎以是比類一而推北如元冥南如祝融
西如顓靈應具有其主名正位犁然食報於方望此物此志也朕
荷穹昊垂庥疊逢

國慶嘉薦普淖夙事宜周是廟自辛酉鼎新距今垂三十載因勅
工官往會所司支內帑金庀材增葺闕壘完緻所以答神貺所以
祈神禧胥於是焉在其經始則己丑季春其歲成則庚寅孟冬也

恭勒岱頂碧霞
祠殿前西碑亭

重修岱廟碑記

乾隆三十五年

泰岱位長羣嶽稱宗最古表望最尊而有其秩之舉莫敢廢所繫於正經亦最鉅述稽詩書首紀有虞成周之世彌文懿燦隆茂大要非巡狩述職穆穆皇皇未聞輕議展采錯事數典特爲嚴重陵夷汔乎霸國覬覦三五妄希受命告功其臣猶知設辭以靳之然自七十二家之說興而昭姓攷瑞大號顯名鋪陳極乎遷之書相如之文世世封土作礮琢玉成牒甚者以上山恐傷木石以遇風雨爲德未至以舉火輒應爲得行秘祠蓋由柴望一變爲封禪由封禪再變爲神仙而汰侈益無等矣我朝監於成憲祇神明禋洪惟

皇祖聖祖仁皇帝康熙二十三年甲子廷臣有援黃帝上元封巒勒成之說爲請者

泰山圖志

卷首

五

聖諭特下九卿等議駁甚盛典也甚盛心也朕寅承永懷

彝訓時式每逢時巡盛儀卽躬祀嶽廟潔蠲將事而於登封臺紀事諸什時復長言申諭所謂便使堯舜至今存迄無可告成功日者其義庶幾質諸古皇而不易耳夫戾經者不可以不斥則隼經者不可以不修方曲咫聞之士猥言易壇墀而廟庭而象設疑乎踵事非制故吳澄以五嶽之麓各立一廟謂始自唐時及攷酈道元引從征記稱岱廟有三今屹峙南麓者實卽昔之下廟又稱廟有漢柏廟庫藏漢時神車樂器則祀嶽於此自漢已然所從來甚遠且巡狩述職特祀也國有令與遣官齋祝策來告常祀也是皆於廟有專饗而又何泥古之云乃者歲庚寅爲朕六十慶辰至辛卯恭逢

聖母皇太后八旬萬壽於時九寓臚惟白靈介祉維岱大生秉蒼精化

醇之氣用克推演

鴻釐綏祚我皇極而重開周闈歲渝弗飭靈承曷副焉爰諏將作擴而新之其歲月詳嶽頂記中以是廟為太常宿縣之所因為迎神送神歌俾主者肄而落之其辭云

遙參亭兮置顛帝乘青陽兮出震會東后兮前驅標天齊兮作鎮芮蕭兮醞醇傅芭兮迷晉霽雲童童兮起膚寸睇肅然其神來兮

肝饗獻

右迎神

何九皇兮六十四民升中頌德兮欲云云羅封坎兮蒞席藉禺車兮蒲輪江茅鄙黍兮紛效珎神安格兮顧歆曰予正祀兮薦訢閭樽桑鼯采兮告慶轅秦符在握兮與物為春噫嗔乎根一而衍萬兮翊我昌辰

右送神 勒岱廟東碑亭

秦為嶽宗言惟皇極以皇極之敷言形容泰山盛美固宜其

泰山圖志

卷首

三

乘雲氣御飛龍蔚乎其相章炳乎其相輝矣欽惟

本朝

聖祖仁白皇帝世宗憲皇帝

聖聖相承凡夫鴻篇鉅製作鎮山靈球圖丕煥莫不集千古之大成至我

皇上更集

祖宗之大成而機應益以神速時巡數舉歌詠式彰

睿藻聯翩動若水涌而山出書契以來概未之有非才守土畧供掃除時瞻

雲日何啻置身蓬池瑤島間目迷五色聽熒八音而心之熙愉且至舞蹈而不自禁也知泰安府事臣朱孝純恭跋

